

Ўзбекистон Республикаси Олий Мажлиси Қонунчилик  
палатаси депутаты З.Худойбердиевга  
Наманган вилояти, Норин туманидаги 29-умумий ўрта  
таълим мактаби директори туман Кенгаши депутаты  
Р.Расуловадан

### И л т и м о с н о м а

Наманган вилояти Норин тумани Кемабоши қишлоғи туманимизнинг энг чекка ҳудудида жойлашган. Қишлоғимиз аҳолиси 2990 нафар, хонадонлар сони 575 та, оилалар сони 664 та. Қишлоғимиз марказида мактабимиз жойлашган бўлиб, мактаб 1970 йилда қурилган, 320 ўринга мўлжалланган. 2008 йилда капитал таъмирдан чиққан. Ҳозирги кунда 510 нафар ўқувчиларга 43 нафар педагог ходимлар таълим-тарбия бериб келмоқдалар. Мухтарам Президентимиз томонидан 2020 йилнинг 6 ноябрида “Ўзбекистоннинг янги тараққиёт даврида таълим-тарбия ва илм-фан соҳаларини ривожлантириш чора-тадбирлари тўғрисида” ПФ-6108-фармонида ҳамда Олий Мажлисга Мурожаатномасида ўқитувчилик жамиятимизда энг обрўли касбга айланиши, таълим-тарбия тизиминининг сифат ва самарадорлигини ошириш, ўқувчиларда замонавий билим ва кўникмаларини шакллантириш, таълим тизими ҳамда илм-фан соҳаси ўртасида яқин ҳамкорлик ва интеграцияни, таълимнинг узвийлигини таъминлаш борасида тизимли ишлар амалга оширилаётганилигини гапирди. Мактабимизда ҳам ўқувчиларга таълим-тарбия беришда устозларимиз фидокорона меҳнат қилишмоқда. Таълим даргоҳимизда 2-навбатда дарс жараёнлари ўтказилади. Синф хоналари доимо банд бўлиб, тўғараклар машғулотларини ўтишга синф хоналар йўқ. Бундан ташқари буфет ҳам ошхона ҳам йўқ. Мактабда ўқитувчилар тушлигини уйларига бориб қилишади, узоқ жойдан катнайдиган устозлар ўқитувчилар хонасида уйларида олиб келган егуликлари билан тамадди қилишади. Маҳалламизда иқтидорли, истеъдодли ўқувчи ва ёшлар кўп. Лекин қишлоғимиз ёшлари ҳам очиқ майдонда чим устида футбол ўйнашни орзу қилишади. Қўшимча бино ва мини футбол майдонларини қуришга ер муаммоси йўқ. Чунки мактабимиз майдони 1.5 гектар жойни эгаллайди. Мактабимизда маънавий-маърифий тадбирлар фаоллар зали бўлмагани учун спорт залда ўтказилади. Бугунги кунда бизни ўқувчиларга янада яхши таълим-тарбия беришда қийнаётган муаммоларни бартараф этиш учун замонавий биноларга эҳтиёжимиз бор. 2021 йилда қишлоғимиз “Обод қишлоқ” дастурига тушди.

Дастурни амалга оширишда:

1. Кутубхона
2. Ошхона
3. Фаоллар зали
4. Қўшимча ўқув биноси
5. Мини футбол майдони

каби янги биноларни қуриш учун Давлат бюджетидан қўшимча маблағ ажратишда сиздан амалий ёрдам сўраймиз.

**Хурматли Зафар Рахимович!**

Президентимиз “Янги Узбекистон оstonаси мактабдан бошланади” деб мактабга таълим-тарбияга жуда катта эътибор каратмокда. Шунинг учун бизга шароит зарур. Яхши шароит булган жойдан кузланган натижага эришса булади. Сизга узок умр, сихат саломатлик тилаймиз. Кемабошилик сайловчиларингиз номидан сизга умид билан ёзмокдамиз. Зеро, Учинчи Ренесансни иктидорли ёшлар билан кураммиз.

(расмлар илова килинади)

Норин туманидаги 29-мактаб

директори туман Кенгаши депутати:



Рахимахон Расулова.